

為寇盜日上神凶者尤甚辰上神陰凶可忍俱凶大惡

假令七月庚寅日平旦時太一加寅證明為朱雀臨庚太一為太常臨寅功曹為天后為登明陰傳送為青龍為太一陰皆所求得遂日辰俱吉者尤吉俱凶者大凶

占欲入深水渡江河法第七十一

正日時視日辰上得吉神將有王相及休氣上下相生者即吉反此者大凶以風波為敗謂陰陽也

假令八月甲子日天罡加未證明為太陰臨甲從魁為太常臨子傳送為白虎為登明勝先為青龍為從魁此為陰也神樞云支傷干吉更長干傷支吉欲減支干俱傷亦減並吉也

占馳使往來信實否法第七十二

以便來時占之時勝日上神如其所言日勝時上神所言不實也辰上神亦如所言時與日辰相生欲來和合也又云辰上神與日上神相生者亦欲如其言也太陰天罡臨日辰

及將軍年上其言不信傳送為朱雀天空加日辰者其言反覆口舌來為姦詐不自姦所

左右邊即姦詐人也又占欲逃亡戰鬪當避太一向之敗也太一正月在子二月丑三月寅四月卯審賊來否若太一神后加今日干

天罡小吉前若刑殺凶神俱加今日干為賊今日至支干上不見此神為不來也望見道上人疑是賊否支傷還可前干傷還不可前又道上望見人以月將加時視日上辰加功

曹傳送證明見更若神后太一姦人盜賊魁星主喪若病人以月將加時視日上辰加功曹傳送證明見更若神后太一姦人盜賊魁星主喪若病人從魁勝先太衝小吉白衣人神后臨卯為冤家也

次客一用起神后二從魁三功曹四登明五天罡六大吉七勝先八太衝九傳送十太一十一天魁十二小吉陽取後三陰取前五

黃帝龍首經卷下

黃帝金匱玉衡經

卷五

黃帝曰吾授汝此圖金匱玉衡經二子秘之苟非其人道不虛行垂拱無為而知未明不出房戶可知天下不出戶房可致真王明視證明所臨吉凶自非至精此術不通閉口閉

口禍害不從泄露道真其命必窮異域之法體道亦同秘之藏之勿見愚蒙天一貴神位在中宮據璇璣把玉衡統御四時攬攝陰陽

手握繩墨位正魁星左房右參背虛向張四七布列首羅八方規矩乾坤嗑吸陰陽首五後六以顯吉凶青龍主左係屬角亢白虎輔

右正左常參朱雀在前翻舞翼張玄武在後承德收功六合厨傳勾陳將軍騰蛇誅斬金鉞銷鏘天后貴配太常臺即太陰陰將主錄後官天空下賤主侍帝庭白虎傷害審其吉

凶各有部署不得縱橫天一統理中外清明金木水火各有列行不治魁星初建戌己天之本鄉故能治中神氣所藏甲子終癸酉戌亥孤虛王父之墓不在旬中不治魁星是謂重凶三十六用金匱玉房天一最尊為之主

王將中成神魏魏堂

金匱章

天一六士發用

第一經曰日辰陰陽中有相剋者為用是謂入不入是最急者也何謂日辰假令今日甲子甲為日子為辰陰陽者日上神為陽神辰下神為陰神假令正月甲子日平旦登明臨甲不相剋從魁臨子不相剋傳送為登明陰不相剋勝先為從魁陰上賊下當以勝先為用假令十二月壬申平旦從魁加壬不相剋陰得小吉不相剋賊勝先臨申上剋下為用將得天后與火神并在金鄉為憂婦女不安若懷子墮傷傳得天罡將得勝蛇主驚恐此人八月當以女子事爭鬪相驚恐傳得功曹將得六合為後正月當與吏議嫁娶若市買之事用得金言錢兵得木憂折傷得火憂口舌得土言鬪訟得水言逃亡姪洗上剋下憂女子下剋上憂男子各以四時王相因死其所勝為憂上剋下若亡命他人下剋上為病己身假令太歲在卯太衝為用吉凶不出歲

二月卯太衝為用吉凶不出月今日巳太一為用吉凶不出日平旦實功曹為用吉凶不出時須史問耳坐者勿令起行者勿令止吉凶之事正在今也他做此假令正月甲戌時加未功曹為天后加戌為用天后為婦女正月寅中有生火婦人妊娠天后水將與功曹中火并水火相剋此言子生毀傷死也功曹春夏為九天梁憂縣官受王氣戌為厥辰時右死說恠妖也傳見勝先將得白虎憂死發終見六合為天門主陰私媒妁魁為天關出天門登天關涉天梁見白虎必憂死喪為人見閉遮出入移徙婦女逃亡不安至縣官用三傳得三火憂失火燒殺人驚雷口舌起以用所生為吉期所畏為凶期功曹為用喜在丙丁凶在庚辛用起陽辰憂事廢他人為方來在陰辰憂起己身傳見子母為救見鬼吏為重凶其用中有微氣若神將剋其凶者亦為有救用得六甲之孤為元子得六甲之虛為元夫以用別吉凶為王氣所剋法憂縣官相氣所勝法憂錢財休氣所勝法憂疾病囚

氣所剋法憂困徒拘繫死氣所勝法憂死喪家基休為老人王相胎氣為丁壯金剋木為折傷木剋土為癰腫土剋水為內閉不通水剋火為執失明火剋金為驚恐失氣異虛狂六甲常以戌巳虛衝為孤
第二經曰日辰陰陽中有兩相剋者先以下剋上為用上剋下為順下剋上為逆逆者憂深在內難解順者憂淺在外易解是謂入者當審所用言察吉凶之微假令二月戊子時加卯神右臨戌戌寄治於丙下剋上陰得小吉上剋下傳得功曹皆上剋下神后當為用假令壬辰年且小吉加壬上剋下當以神后為用周易以世為卜者身式以用為卜者身別吉凶者也金入木傷人者也憂鬪訟至縣官木入金憂女人至縣官水入土憂亡遺錢財土入水憂鬪爭布帛木入土憂牢獄口舌財物繫傷土入木憂男子持重疾病欲祠祀金入火憂外人相欺給火入金兩女子一男子有口舌火入水憂女子驚更鬪訟水入火驚恐有產病他准此假令正月乙巳時加未

得送加乙上剋下神后為傳送陰而臨申不相剋從魁加巳下剋上為用將得六合主陰私之事從魁為下所剋奴婢從之期以重憂有陰謀相賊從下賤人起又為相氣所勝法言訟財物傳得大吉終於太一法言戰鬪相傷至死何以言之用起三金於太一將得白虎也以意分別之他准此

第三經曰日辰陰陽中有兩下剋上或有一上剋下先以與日比者為用是謂欲其一必得其日也是謂重相剋者取與日比者言有兩用也此者為近憂在內不比憂在外為遠有仇怨故必得日比也與賊盜亡人比里家人假令正月辛亥日時日出卯勝先加辛小吉加亥此兩上剋下小吉與辛比有辛未無辛丑小吉當為用假令二月丙午時加未傳送加丙從魁加午此兩下剋上傳送與丙比有丙申無丙酉傳送當為用剛日用得木憂縣官文書得火憂田宅口舌得木憂縣官死鬼得金憂遷移不安刀兵得水憂女人重身至憂人卯日用得木憂木器船車盜賊得水

憂戰鬪見血得土憂財物且殺得金憂六畜得火憂女子微召姪洩內亂假令正月壬辰時加辰勝先臨土下剋上登明加辰下剋上此言無壬亥有壬午勝先當為用老氣所剋法憂疾病火入水將得天后為事起婦女傳見大吉與勾陳并法憂戰鬪終見傳送主出入為後三玄武并必言遠出有失傳送加丑為下臨其墓法憂悲哀不樂喜夢見死人及孤寡他准此

第四經曰日辰陰陽中有兩比者以其始入法害深者為用是所謂察其微見其機者言起季仲為微在孟為機機者憂深微者憂淺為易過也假令八月甲申平旦天罡加甲下剋上神后為河魁陰下剋上是為天罡神后為下所剋又俱比甲言甲辰亦有甲子天罡是土加甲始入木鄉法害猶深為機神后臨戌轉便入水為微天罡當為用假令七月甲子日時加亥傳送加甲上剋下陰得功曹下剋上勝先臨子下剋上陰得神后上剋下此俱與日比勝先度癸得丑功曹方經庚酉辛

法害深功曹當為用此謂進退失節重有憂者也正月辛酉時加午太衝臨辛下剋上傳送為太衝陰而臨卯上剋下功曹加酉下剋上小吉為功曹陰而加寅下剋上太衝小吉俱為下所剋又俱比辛太衝度辛而入戌憂淺小吉始入木鄉法害小吉當為用所謂晚見其仇仰見其丘小吉主婦女將得騰蛇憂死人女子驚恐有怪血日生小吉過東北鬼門當見鬼傳得神后將得天空婦欲欺其夫有二心終太一將得天后為重憂婦女用為王氣所勝法憂縣官有兵甲之憂仇怨相害以火加水故也他准此

第五經曰日辰陰陽中無相賊者當以遠與日相剋者為用是謂交俱不相剋入從獨立者也此言有一神陰中住賊日若日往剋陰中之神神來賊日身有憂從外來日往剋神為有仇怨從中起有望外人而不來辰雖有遠相剋不得為用日不用辰也假令四月辛酉時加巳大吉加辛不相賊陰得天罡不相剋神后加酉不相剋陰得太衝皆不相剋

幸速剋太衝當為用五月甲午時加戌登明加甲不相剋傳送為登明陰不相剋太衝加午不相剋陰得神后不相剋四課陰陽中並無相剋唯有傳送往剋甲當以傳送為用有兩送相剋今日者亦用日比天一順行若有臣不可止憂男子病逆行父子不可親憂女子行有客不可內讒賊之意禍從西南來揚兵入門相傷殺見血慎無西南行皆以神將言之有魁豈白虎謀相殺玄武為盜正月己卯時加寅天罡加己不相剋陰得大吉不相剋神后加卯不相剋陰得從魁不相剋四課陰陽中並無相剋者已獨往剋神后神后當為用法主婦女與夫一并有貴人徵召事又為死者所勝法愛死人餘則及家訟家墓他准此

第六經曰日辰陰陽中並無相剋又無遙相剋者剛仰柔伏視昴星所得為用是謂日辰重一切用者也言剛日當以地昴星上所得神為用柔日當以天上昴星所臨辰為用昴星為閉塞行者稽留居家有憂患剛日男人

遠行未還恐闕死於外赤日伏藏女子淫泆深憂不解二月戊子時加寅大吉加戌不相剋陰得從魁不相剋傳送加子不相剋天罡為傳送陰不相剋四課並無相剋又無遙相剋今日戌是剛仰是昴星上得太一當為用行者復行九月乙未時加辰太衝加乙不相剋陰得功曹不相剋勝先加未不相剋陰得太一不相剋乙酉日伏視天上昴星所臨當為用行者止藏如不來居者在家不欲見人以此占人一切用如以決吉凶不傳終也正月戊寅時加未從魁加戌不相剋陰得大吉不相剋勝先加寅不相剋陰得河魁不相剋戊剛日昴星上見大吉當為用行者稽留遠方關梁將得天一立六之門占貴人不安其官小人分異此剛日也正月己丑時加鬼魁加己不相剋陰得大吉不相剋天罡加丑不相剋陰得小吉不相剋又無遙相剋己酉日當以天上昴星所臨下辰午當以勝先為用將得天空他准此

日辰不相剋剛用上神酉用辰上神是謂關梁陰陽反故無所擇者也假令今日甲剛日也德在陽故以日上神為用今日乙酉日也德在陰故以辰上神為用所以然者陰陽之氣合同此時不可出行舉事不成占言凶將出從在外將移合將離視起用神所刑者傳用自刑用其衝假令今日甲子功曹臨甲為用功曹刑己中見太一太一刑甲終見傳送吉凶皆以神將言之剛日木神臨木憂文書木器男子欲遠行火神臨火男女口舌至縣官金神臨金憂遷徙分異土神臨土憂貴人遠使水神臨水貴人酒柔日木神加木憂船車至縣官火神加大憂女子淫泆訟屋舍金神加金憂遷移分異土神加土憂女子訟田宅分異水神加水憂財物失走捉盜不得家亡不越境他效此

第八經曰大吉殺乙戌己辛壬之日以配子午卯酉之辰是謂天地之道歸殊九醜九醜者謂五千四辰合為九也大吉當天之大殺居其上其殺故曰醜謂四仲之日時加四

仲大吉臨日辰以舉百事大凶大吉加日害
 長加辰害少剛日害男百日害女日在陽傷
 夫在陰傷婦重陽害父重陰害母天一前為
 陽天一後為陰日辰皆在天一前為重陽日
 辰皆在天一後為重陰以四時氣為王相期
 三年囚死期三月以大吉并將言其形狀四
 辰或與大時并大吉與凶并如加九者大凶
 禍重至必有咎刑戮死亡流血千里萬無全
 者經言乙者雷電之始戊己比辰下之日也
 辛秋始斷刑之日壬日月三光所不照無功
 之日也四仲之辰萬物之存亡日也大吉日
 月五星所始也故合則為害假令二月壬子
 時加酉大吉臨子剛日也當教長男期六月
 戊辰戌戌己未己丑所以然者壬水惡土故
 土日土月期之四季土月時加酉四仲時也
 大吉加子此為加陽辰小男坐之二月大時
 在于春土死此為大凶決知所坐以大吉所
 并將言之太陰并坐祠祀鬼神為敗騰蛇并
 為驚死朱雀并坐支書若燒死六合并坐女
 子姪洩乳生勾陳并格鬪死青龍并生餘酒

食錢財天一并與貴人同憂天后并婦人懷
 他人子玄武并坐盜賊六畜為敗太常并女
 子以田宅財物為敗白虎并死喪為敗天空
 并以偷盜詐欺為敗十一月乙卯時加辰大
 吉加乙為用將得騰蛇用傳終得三土憂婦
 女爭田宅長女坐之八月戊子時加卯大吉
 加子陰功曹為用大吉雖不為用猶為九醜
 少男坐之大吉設家墓動他准此
 第九經曰諸制曰占事辰自往加其日上而
 又下剋上為用是謂持其身行就人者所謂
 贅婿婿意也假令今日甲戌河魁臨甲乙未
 小吉臨乙丙申傳送加丙甲辰天里加甲乙
 丑大吉臨乙此則辰加其日而下剋上以此
 占吉凶少將害老室家相剋中外姪洩內亂
 之道臣謀其君子圖其父奴欲謀其主又一
 法魁加甲出刑人關訟小吉加乙憂女子酒
 食太一加癸女子訟衣服亥加巳女子錢競
 從魁加丁欲分異勝先加壬訟田宅女子喜
 驚火神后加戌女子病死姪洩將得天后姪
 於親屬又曰二月甲戌時加寅魁與月神并

未加甲下剋上吉又皆有姪亂將得朱雀內
 相吉言勾陳內相殘賊白虎相殺天空為
 贅婿天后姪洩事
 第十經曰閉口閉口陰在汝後度四而同言
 從神后逆數至從魁合丑神陰陽之位男亡
 貴陰女亡貴陽始其亡人位久歸其鄉因死
 為近王相為遠重陰不出參以及吟亡人歸
 陽蓋者發陰一由玄武者也此六癸之支為
 陰六甲之支為陽假令功曹為玄武陰在登
 明天罡為玄武陰在大吉此謂六甲旬頭尾
 陰陽也假令正月庚子時加辰天罡為玄武
 陰得登明欲知盜者是誰視庚上之神得木
 衝太衝木也生於亥盜者親屬也九月丁巳
 時加丑從魁為天一加未神后為玄武而加
 戌女亡西北門貴成地男亡當貴從魁從魁
 加未貴未地此為疫四逆貴四神者也酉六
 未八六八四十八里女亡貴神后神后加戌
 戌五子九五九四十五里王氣付而倍之相
 氣因而十之休氣因而倍之囚氣如數死氣
 半之正月甲子時加卯天罡為玄武而加甲

天罡為陽也陰在大吉加己男亡東南行已
地求之亡西南行申地求之閉口者言黃
帝重他人陰私故言閉口六甲為陽者甲子
神后甲戌河魁甲申傳送甲午勝先甲辰天
罡甲寅功曹此六甲支為玄武陽也六癸支

為其陰甲子旬有癸酉癸酉用從魁甲戌旬
有癸未為小吉甲申旬有癸巳為太一
甲午旬有癸卯癸卯為太衝甲辰旬有癸丑
癸丑為大吉甲寅旬有癸亥癸亥為登明此
六癸支為玄武陰也文大難解其四方驗此
之謂也

玉衡章

天一六壬發用

第一經曰用之物氣與今日同類無問其餘
見為親疎者此謂所生為其所死為物假令
今日甲乙木也登明為用為氣為生事者吉
戌小吉為用為物百物皆死不生亥卯未俱
木故同類木生於亥死於未者也無問其餘
但得登明中木不問水也但得小吉中木不
問其中火土也親疎者言用起登明登明甲

乙之家功曹太衝為親兄弟小吉外昆弟外
孫欲為吉事陰陽中見登明為吉若為死事
陰陽中有小吉善用與今日比者親屬兄弟
日與陽比男陰比女以占吉凶百事比自親
內外至親也他亦准此

第二經曰始生與死今日相親見而相惡以
知新故假令今日乙魁臨乙為用魁中有金
西方位也為始生今日乙大吉臨乙為用大
吉中有死金為死也今日相親者此謂乙中
之木欲魁魁大吉中土惡見魁大吉中金情
不違好故曰見而相惡用起始生萬事皆新

吉凶如神將言言用起死萬事皆故占人娶
婦或與交通今欲取之若去婦今欲還之或
是故物今欲求之今日丁大吉臨丁為始生
天罡臨丁為死今日已天罡臨已為始生小
吉臨已為死今日辛小吉臨辛為始生河魁
加辛為死今日癸大吉臨癸為始生天罡臨
癸為死丁中有水大吉天罡中亦有水巳中
有木小吉天罡中亦有木辛中有火小吉魁
中亦有火癸中有土小吉魁中亦有土此皆

當為用者也獨五酉日用此耳即剛日以用
起陽為新起陰為故有王相氣為新因死氣
為故用起陽為方來陰為去事又一法今日
乙天一為新大吉為故今日丁傳送為新天
罡為故今日已登明為新小吉為故今日辛

功曹為新魁為故今日癸太一為新天罡為
故各以神將言之今日乙木生於亥長於卯
死於未登明為用故事太衝新事小吉方來
故事他准此

第三經曰四立之日名曰四絕是謂誰適憂
者天禍視汝此言四立者立春之日少陽氣
始立夏之日太陽氣始立秋之日少陰氣始
立冬之日太陰氣始故曰四立何謂四絕時
受死始立以先之一日相付慈哀相去決絕
故曰四絕假令立春先之一日已上望見日
言天上日臨已也此時占吉凶必為暴禍在
門流血至縣官不出其時女子逆生月神正
臨此日月神謂正月登明二月河魁月將也
俱死辰其性速假今年亥立春先之一日庚
戌月將臨庚是也誰適憂者天禍視汝得此

日而臨之以占萬事必為暴死道路其不出月中也獨臨庚不以其至皆將神言之

第四經曰四離之辰上望見月是謂不祥祥無少多天冠所過四離日立春春分立夏夏至立秋秋分立冬冬至此四離之辰上望見

月宿言正月室二月奎三月胃四月畢五月井六月柳七月張八月角九月氐十月心十一月斗十二月須女是言春分之日陰陽分

離各行其令祥無少多天冠所過此言春分陰氣在卯盜殺百草榆莢為落夏至陽氣在

午盜殺百草蕪蔘死秋分陰氣在酉秋當刑殺而有秋華之芳冬至陽氣在子萬物執藏

蓄麥之類得冬始生皆非正氣故曰冠盜月者積陰之精主刑以此占事必有寇竊暴至

其不出其日月中心神將言之又一法春分以甲子亥為離辰月宿臨亥是不可遠行必

逢盜竊賊寇亡遺却死道中何以言之春分陰氣在卯寇盜草木也
第五經曰時剋其日用又助之所治之事上上為憂神將內戰是謂天罡四張萬物盡傷

假令今日甲乙時加庚辛是金金剋甲乙木也故言時剋其日起用傳送從魁並金又剋

甲乙木是謂用又助之神將內戰者言從魁傳送并為青龍青龍木也畏傳送從魁金也

是謂內戰餘皆准此天罡者時用及所治之事皆共剋今日又上下相剋求救不能解故

言四張萬事盡傷以此時舉事不成憂毀傷家亡假令二月庚子時加巳大吉加庚不相

剋太一加子下剋上為用時加巳巳剋庚是時剋日也太一為用又剋庚是用又助之以

占吉凶如上法
第六經曰陽不與陰合陰不與陽親三言相得如往比焉法曰無姪無姪姦生其中假令

正月甲子時加卯甲者陽為夫子陰為婦魁臨甲傳送加子甲欲從子畏傳送子欲從甲

畏河魁土故不相親三言比者言三傳之神還自比同類也謂三木三金三大者也此言用起魁傳勝先終功曹謂寅午戌俱是火之位亥卯未俱木申子辰俱水巳酉丑俱金此之謂也以占人皆為姪邪之心事將危敗也

八月庚辰時加申天罡加庚神后加辰天罡土剋神后水是陽不與陰合也陰不與陽親

神后為陰畏天罡之土是陰不與陽親也用起神后傳見傳送終天罡是三言也皆得其類故曰比此言陰陽不合而用三傳內自得

以此占人言內將有私親親以謀訟之意何以言之神后既為天罡陰又為起用陽一神

有二從故知人有兩心姪洩之意言無姪者以此時御姪婦必有禍起也上剋下過在男下剋上過在女以神將言之

第七經曰陽無所依陰無所親禍生於外內及其身所謂陽無所依者謂用下剋上陰無所親言歸陰剋之大惡天地反時也正月庚

寅壬午時加巳此時不可舉百事咎及其身進退失節重有憂也正月壬子時加巳太一

加壬勝先加子是陽無所依勝先傳見神后太一傳見登明為陰無所親以此占人君無所因父無所親必見欺詔當此之時天地猶恐況于民乎

第八經曰辰剋其日下剋上是謂亂首必將

害老者也辰剋日者諸日伐伐自臨其辰也假令今日丙子太一挾丙加子乙酉太衝挾乙加酉壬戌登明挾壬加戌癸未神后挾癸加未丁亥勝先挾丁加亥甲申功曹挾甲加申辛巳從魁挾辛加巳巳卯小吉挾巳加卯戊寅天罡挾戊寅寅此皆辰剋其日用下剋上以此占人事必為逆道臣弑其君子害其父母妻謀其夫奴婢害主百事凶正月甲申時加卯來剋甲一逆也魁加甲為用下剋上二逆也用為王者所剋必言縣官至死喪何以言之春土死喪若為天獄他准此第九經曰所謂用起因死斗今日憂是謂天獄於身方有殺囚必虞戮辱者也用起因死者言神將俱死氣也斗令今日憂言斗繫本日之所生也假令秋七月庚申勝先為青龍而加庚太一為勾陳而加未當為用也斗又繫已己者庚申所生功曹為騰蛇加己而為太一陰太衝為朱雀加午而為勝先陰騰蛇朱雀火功曹太衝木秋火囚木死皆無氣斗繫所生不可舉百事皆為繫囚之憂又法七

月丁卯時加己傳送為用秋丁囚因氣所剋斗繫卯卯者丁之本此家有繫囚也斗繫子亥小兒牢獄出行正月乙未時加申小吉加乙下剋上為用王正月死斗又繫癸癸者乙之本所謂死囚斗今日憂此之謂一法日用起囚死者言春占得金土之神也斗今日憂謂斗繫今日之本言天獄臨身憂繫囚死者言囚死之氣刑於獄也二月乙酉時加己斗繫亥亥者乙之本故憂小吉為功曹陰而加寅為用春土死言用起囚死者也傳得神后終太一與白虎并必有死亡小吉木之獄也。仇見其仇仰見其丘如以墓論之雖得青龍不能為救也他准此第十經曰三光並立用在其中謂日之陽神王相三光用起吉將之有王相三光此言三陽陽非謂傳用之陰也故言三陽之光者也言辰之陽神及用所與斗將皆多吉如有王相之氣是謂三光用在其中者也傳用又得吉將上下相生終剋始元初有上下不相剋下不相賊氣在王相一神重得吉雖有凶將

後有福終而有喜必有重慶當此之時速出萬里入水不溺入病不易惡鬼不當入兵不傷所種者生所為者成所求者得所欲者聽病困不死繫者無刑刀雖臨頭慎勿怖驚舉尸入棺尚猶復生出幽入冥是謂神靈聖人之教賢者之經謹而按之與神聖并藏之金匱無泄此形又一法曰正月甲寅時加己傳送為青龍青龍春王加甲并寅此日上神與吉將并王相者也經言正月甲寅王日一光也青龍又王又立王上二光也年立木門三光也功曹為傳送陰而加甲此為是陽神而與天后將并為用是謂用在其中者也此時天地言凶而神將並吉法曰有凶從其多者此之謂也又一法天一順行前三五加日辰此一陽終王相不相剋二陽日照今日之本三陽也又令在用其中假令六月戊辰時加辰皆受王相之氣傳送為勝先陰而加午為用傳送六月受相氣亦謂三光傳得魁與玄武并加申終神后與天后并而加戌此謂始王相終于吉將者故重慶雖復有凶不能害之天

一逆行前三五加日辰一陰用終因死上下
相剋二陰時剋其年三陰也斗月照今日之
本為殃用在其中名曰重陰終自禍患必因
窮繫者雖解身屬官病者雖起精魂入棺居
家衰耗破敗憂患以占萬事大凶所謂八九
地之下役三陰者也

○黃帝金匱玉衡經

○